

裡塘志畧卷下

閩中陳登龍秋坪編

雜記

裡塘糧務官每月支臺費銀六十兩每日支口糧十四分守備日支鹽菜銀八分官役口糧七分把總日支鹽菜銀四分官役口糧四分外委日支鹽菜銀三分官役口糧二分兵丁日支鹽菜銀三分口糧一分馬兵每馬一匹日支草乾銀八分東西八塘計馬四

裡塘志畧

卷下

一

十八匹照每十倒三之例年應倒斃十四匹每匹支價銀八兩共銀一百一十二兩每月東西兩路應支馱載烏拉銀大建四兩七錢五分六釐二毫小建四兩六錢二分八釐七毫均在糧務處支給凡口糧俱支半米半麪每一分米四合一勺五抄麪五合月計大小建

臺費額貯銀一萬兩額貯米二百石每年詳請上臺由打箭爐廳撥解額貯炒麪三百石每年詳請建南

道動支臺費銀三百兩發土官採買額貯稞麥一千二百石不動不支以備不時之用

裡塘臺例折色每米一石折銀四兩六錢五分每麪一石折銀一兩每皮茶一包折銀一兩絨馬茶一包折銀二兩馬掌一付折銀四分凡過往換臺雜差均係折色若征兵過境必要實支

各臺糧務官奉派進換過裡支應巴塘計官役口糧十四分西藏拉里察木多計官役口糧十六分自裡

裡塘志畧

卷下

二

至巴支領十日半米半麪均係折色應付騎馱烏拉十四隻自裡至巴計程十五站每站脚價一錢若管理寶藏錢局官過境只支口糧七分騎馱七隻也其奉派西藏並各臺駐防官兵過境除脚費已於司庫支領外只支應鹽菜口糧照所食若干自裡至巴各給十日之數按武官口糧副將日支鹽菜銀二錢四分官役口糧十七分叅將日支鹽菜銀一錢四分官役口糧十一分遊擊都司日支鹽菜銀一錢四分官

役口糧九分守備日支鹽菜銀八分官役口糧七分  
千總日支鹽菜銀八分官役口糧四分把總日支鹽  
菜銀四分官役口糧四分外委日支鹽菜銀三分官  
役口糧二分馬步兵丁日支鹽菜銀三分口糧一分  
糧務官接替出口日於打箭爐廳請領行糧官役十  
四分分每日米四合一勺五杪麪五合均折色計領  
十日用烏拉十三隻亦打箭爐廳應付入口日例支  
行坐二十一日月費銀四十二兩官役騎馱十三隻

裡塘志畧

卷下

三

自裡至爐計程十六站半每隻每站腳價一錢口糧  
十四分半米半麪均折色計支二十一日先於月冊  
內報銷

裡塘正土司每年領壓徵養廉銀五十兩口糧青稞  
三十石每石折銀九錢牛十隻每隻折銀一兩五錢  
酥油五十觔每觔折銀五分計折色共銀九十四兩  
五錢副土官每年領壓徵養廉銀二十兩口糧青稞  
二十石牛六隻酥油三十觔計折色共銀四十八兩

五錢土都司每日支口糧八分土守備日支口糧五分  
分辦事業巴日支口糧四分土把總日支口糧三分  
土練日支口糧二分土馬兵日支口糧一分每分日  
支放折色銀五分崇喜毛了兩長司每年支土步兵  
口糧茶一百五十包茶年由打箭爐廳撥解

長青春科兒寺喇嘛衣單係裡屬番民認納每年輸  
銀五百零九錢四分口糧青稞一千五百七十石三  
斗六升六合二勺麥六十六石八斗二升五合六勺

裡塘志畧

卷下

四

稽巴六十六石八斗一升五合六勺牛四百五十四  
隻酥油八百七十八觔

歲朝兩土司隨文武官朝賀

萬歲寶座然後赴文武官衙署賀頭人以次進叩皆遞哈  
噠婦人小兒女輩咸叩衙署前求賞哈噠以爲一年  
之采商民停市三日以茶酒果食相餽爲禮番人相  
見則交遞哈噠延入其家供以酥茶酒食  
上元喇嘛用酥油和蠟染成五色造人物樓閣亭□

花木鳥獸龍象獅子雕鏤精緻真有鬼斧神工之妙十五日懸大佛像並列中庭絢爛奪目喇嘛數千衆跪諷經典男女皆華飾周大招游觀望而合掌頂者不下萬人按大佛像云頒自西藏達賴喇嘛以大緞繪畫五色爛斑高十餘丈從三層樓頂下垂於地十六日迎唐公主像喇嘛暨男婦數千人擁塞道路寶馬香車幢旛繡蓋鐃鼓喧填極一時之盛按唐太宗時以文成公主下嫁於吐蕃贊普弄讚中宗時以

裡塘志畧

卷下

五

金城公主下嫁於弄讚元孫棄隸縮贊二公主皆有惠德至今番人畏敬奉之如佛焉

轉招卽內地禮拜也招譯言佛也俗家謂之禮拜僧家謂之轉佛蠻人男婦於正月四月七月十月繞大招大圍牆計周十里許二步一拜首所到處足躡其跡謂之等身拜轉牆一匝旦晚二番或一月或旬餘或五六月隨所立願也喇嘛則無日不轉但行而諷佛號而已

六月初三日土司舉跑馬會是日五鼓雨土司率頭人以香花燈燭幢旛寶蓋引導大喇嘛堪布登峻麼拉卡山頂焚香諷經先造芒扎次芒窮次洛各日嗎次送日嗎次扎利洛日見策次索諾木漠欲節嗎凡造一處焚香諷經際土司必跑馬環繞三匝辰刻至較場土司頭人兵目各換各色采繡衣服裝束華麗選良馬配以五色鞍轡集齊請糧務駐防各官上坐堪布傍坐觀閱其例正副土官跑畢次及頭人次及

裡塘志畧

卷下

六

兵目射箭放鎗命中者官賞以金帛茶包哈噠等物衣服美麗鞍馬鮮明望之真一簇錦繡也

中元懸大佛像於大招庭中衆喇嘛花冠花衣環其下諷經蠻人大小男婦盛服游寺中頂禮

七月三十日堪布率衆喇嘛祭鬼於郊辦事業兒巴於官房扎麪食八月初一日堪布散茶於窮民土司散麪食於衆喇嘛由是喇嘛始放學按喇嘛告假回家謂之放學八月稞麥登場歸理庄務也

十月二十五爲宗卡巴城聖日衆喇嘛馱載糧食咸赴大招上學其夜衆寺及居民墻頭檐際燃點圓根燈以數萬計光明閃灼如星橋火城層層圍繞氣焰燭天真殊方異景也按宗卡巴或云卽燃燈佛故燃燈以爲慶歟

臘月晦日喇嘛跳布扎華言跳神也衆喇嘛齊集大招中庭擊鼓鳴金吹角先份護法神靈開場次份菩薩度世次份鬼王登殿次份鬼卒捉耗預用酥油和

裡塘志畧

卷下

七

稽巴塑耗鬼像衆鬼卒爭舁而出菩薩諷經驅遣鬼王監視殺而屠之送於荒郊堪布率衆喇嘛諷經土司率士兵施放鎗炮架火焚之云行之時和年豐天厲不生也按此卽周禮方相氏司儻遺意番人亦知古禮如此

長青春科兒寺亦曰大招附大招者謂之小寺凡數十所周圍十里巷陌縱橫傍開八門晨啓夜閉小喇嘛守之鎖鑰甚嚴謹

蠻人屋頂或路邊多插木竿以各色布印經典文拴其上亦有用繩架虛懸掛者其高而大者謂之大木奢短而小者謂之囊呀隨風飄颺云以代諷經也又有法輪裝經典於其中大者置屋內小者持手上番名科洛日常轉之亦以代諷經卽佛經所謂法輪常轉也大抵蠻人信佛無處不意存諷誦不特口念心維已也

裝經塔及裝舍利塔或用銅鑄或用石壘均塗以金

裡塘志畧

卷下

八

番名卻登巍然道周烟爍映日蠻人過者必禮拜乃去喇嘛寺屋頂其下凡有佛坐處上亦必有金塔俗呼金頂番名厭奢也或不能用金只用各色綾製如蓋樣高四五尺

喇嘛寺中所供佛像與中國大同小異第至高且大有至三四丈者多用銅鑄鍍以真金鑲以珍寶中土所未見也殿閣及廂廊皆施五采繪畫佛像多畫諸佛變相牛鬼蛇神雲車風馬鯨吞鼉喙莫可名言下



筆精妙云皆聘自西藏不圖殊方有此名手  
喇嘛勞伍哲古云爲熱河苦圖克兔托生裡塘彼處  
來請弗就頗能前知形貌奇古似瘋非瘋初爲堪布  
不樂去而娶妻子今年五十六矣番人敬憚見則  
羅拜於道如事活佛蓋亦異人也  
土司驟遇背水婦人必驗其桶之虛實若有水則賞  
給哈噠無水則撻之而毀其桶故背水婦人當其來  
必遠避之此例真不可解

裡塘志畧

卷下

九

達賴喇嘛康熙四十七年降生於裡塘擦嗎中能言  
卽說前生事無不啗合西藏班禪喇嘛遣徒衆齎金  
寶並前生衣鉢來迎至藏復遷往西寧之塔兒寺後  
因西藏地方被準噶爾澤旺阿喇布坦遣車零敦多  
布佔据

聖祖仁皇帝遣將平復康熙五十九年九月初六日送上布  
達拉山大寺坐牀雍正七年奉

旨在噶達地方修建大廟

賜額惠遠八年迎至廟住錫十一年修扎什城十三年準  
噶爾來降復

命送於布達拉坐牀

長青春科兒寺南面正對梭龍卽喇嘛帽山也故裡  
塘多生活佛一達賴喇嘛一察木多怕克巴拉苦圖  
克兔一察木多苦圖克兔一喀爾喀苦圖克兔二苦  
圖克兔均係正土司丹晉滾布所生猶奇近正土司  
索諾木根登所生長子又係雲南苦圖克兔鄉城協  
裡塘志畧

卷下

十

敖玉結又生察木多怕克巴拉苦圖克兔皆年歲餘  
彼處喇嘛咸齋前生衣鉢來塘認識風水之說其足  
信有如此

喇嘛衣飾與內地僧人大別薙髮留鬚跣足或穿皮  
鞞堪布則著錦鞞內衣氍毹半臂外衣偏單冬不衣  
皮腰繫帛如束帶臂上又以帛斜交纏縛衆喇嘛則  
用氍毹見所尊者以袒右肩爲敬不著裊或有著帛  
者冬帽以氍片製成其式上尖下寬色尙黃夏帽若

笠純金色以皮爲之居常亦不多戴極寒惟以纏身  
氈氊裹其頂而已不娶妻子師徒以衣鉢傳受上  
乘之學以靜坐禪定修持正業爲尙如役鬼驅神吞  
刀吐火招水呼風柔金隱身諸法稱下乘術弗重也  
不禁葷酒修靜喇嘛亦不多飲食最嚴色戒監管喇  
嘛常使人巡查有犯者卽發還俗充邊界管束婦人  
入廟燒香必以布單蒙其頭面恐眩色也

經典甚多字從左行右橫寫番書貝葉翻揭其板藏  
裡塘志畧

卷下

十一

貯經堂管理喇嘛名曰巴貢日印刷發給衆喇嘛演  
讀

喇嘛大寺蓄積甚富堪布三年一換以所積交新堪  
布乍倉亦然示無私財也然放債取利甚重年將一  
倍其不能償者則拉其牛馬貨物作抵甚至有封其  
家產者吁佛以不貪爲法其徒背戾若此真可怪也  
高山平原亂石成堆石鑄番書上插木杆懸哈噠者  
蠻語謂之卻登其石來自西藏所鑄番書經典文也

亦有無番書石堆蠻語謂之納儕云皆有神佛棲其中凡蠻人飛馬馳驟過其傍者必去帽以示敬四家瓦述所駐地方附麗裡塘塘邊界無碯樓廬舍均棲止黑帳房所居隨水草遷移視人民牛馬之多寡爲強弱彼此畛域亦多爭鬥但已久沾

王化咸知畏法不敢肆無忌憚矣

土民之服役者名曰烏拉凡有業之人勿論男女皆與焉卽由他處遠來但置烟竈雖租房而居亦然其

裡塘志畧

卷下

十二

派烏拉照所居屋之大小量定所需數目或三四名或十數名照戶輪派設或其家之人外出無人應役則雇窮民代之年過六十者免凡遇大差則於遠鄉合派有價則發價無價則富者應出若干貧者三四戶公攤一匹小差則近鄉當之無重派無苛索要在辦事頭人之秉公道耳  
番人雖遵用

國朝憲書然其紀日多有不同每月無小建必有朔望

晦日或以初二爲朔日以十六日爲望以次月初一爲晦日截長補短積筭於月數終無參差蓋雖無小建或於月內摘去一日如摘去二十八日卽於二十七日次日卽呼二十九日之類是也亦有閏月但不同時以余所見乾隆六十年閏二月彼地蓋閏八月也此特蠻人私用之事關

國制則用

欽頒時憲書

裡塘志畧

卷下

十三

供應夫馬定例有大小之別過一百隻者謂之大烏拉明正司直送裡塘裡塘直送巴塘不及百者謂之小烏拉明正司送至河口換替河口送至西俄洛換替俄洛送至裡塘換替裡塘送至喇嘛了換替喇嘛了送至巴塘換替西來亦然自喇嘛了至河口皆裡塘地此裡塘之民所以苦於役也

四鄉稞麥登場必請土司示期收割其過期與不及期其穀充公夫地有肥瘠雨露之潤人事之不齊稞

麥之熟本難一致而示期以收割其如生熟之遲速何哉此例真不可解

裡塘舊有土城在今城南門外十餘步周二里有奇噶將軍征西藏時所築也雖倒塌其遺址猶存

裡塘山坡蔓衍道路叢雜番賊出沒無常卡述有頭人阿犂丹津者尤其擾攘行旅不寧乾隆五十八年間裡塘土都司喜洛工布用計誘至官寨中縱火焚之其患始息今雖有小賊搶掠兩土官搜索甚勤不

裡塘志畧

卷下

十四

能公然爲害矣

土官跟役謂之估搽凡一切差遣皆用之然下鄉多凌虐百姓苛索金帛閭閻苦之是在土官精明有以制之俾不敢妄行庶爲福也

土官暨頭人子女婚嫁必擇世家與庶人不通婚配故兩土司及四家瓦述鄰近土司多係親戚此風與內地相同蓋摩義漸仁久矣

夷性甚貪凡土司頭人必視官之賞賜多寡分勤惰

故一切夫馬差遣賞多則應速否則未有不遲悞也  
搜挈盜賊亦然此管糧務者所以負累耳  
土司頭人鼠牙雀角必告訴於官官必爲之調停否  
則爭鬥從此起矣至夫婦床第口角亦來訴焉蠻人  
之愚可笑如此

梭龍山在裡塘南三十里有神棲其上上多虎豹豺  
狼皆馴伏不噬人山半有洞內藏甲冑兵仗番人於  
二八兩月朝山凡朝山者只詣山麓遙拜無敢登者

裡塘志畧

卷下

十五

咱噶山在裡塘東南六十里中有咱噶寺土司頭人  
多往熬茶祈福其山異蹟甚多巖壁間現有石室牕  
戶天然下臨百尺傍出磴道險仄如絲人難措足少  
有登者云昔有修靜喇嘛居此數十年今化去矣寺  
傍復有石洞寬僅容一人迴環曲折長二里餘前後  
有門其中磴道滑溜上下二百餘級朝山者必鑽斯  
洞其進出寬如者爲善人佛與之福也其進而不得  
出爲惡人佛示之罰也必虔禱以遷善改過然後得

出而無害噫亦異矣大抵善善惡惡人心皆然一念之誠佛靈如見人而不知遷善改過未必不爲佛之所罰也故佛之爲佛亦惟欲人爲善去惡之一端二郎雪山在裡塘西二百餘里三峯插天積雪厚數百尺四時不消中多巖洞諸佛羅漢往來其間番人朝山者踵絡繹其轉招者云一閱月方匝此山日飲食林間夜棲宿巖穴無虎豹豺狼之擾害蓋聖境也熱水塘山在裡塘西二十里有僧結舍依巖穴間大

裡塘志畧

卷下

十六

僅半楹一靜修喇嘛居其中十餘年未嘗出戶亦不多飲食人有施之不交接置牕洞間而去蓋數日猶在也然則此喇嘛也視達摩九年面壁之功尤深耳皮船以皮爲之製如扁舟而小長八九尺廣五六尺中空可容二人飄搖水面隨波逐浪坐其上者眞如太乙仙人乘蓮葉舟也

裡塘溫泉有三處一城西十里一城南三十里一在喇嘛了其水四時常溫中有紅蟲細如絲縷病人浴



之立愈故蠻人重焉按地生丹砂硫磺出水常溫氣所感也硫磺水有臭氣丹砂則否斯水無氣其丹砂水也歟

博浪工山中生異藥曰冬蟲夏草謂冬蟄爲蟲夏茁爲草也蠻人呼爲**哪**雜俄麼其狀根如蠶蠕蠕欲動芽如蒜葉初苞采者必自端午以前則良過端午則芽茁而根鬆耳此藥本草不載蠻人云其性溫補以猪肉及雞肉和煮食之益陽婦人不孕者常食可以

裡塘志畧

卷下

十七

得胎未知驗否

裡塘無花而多草花和風旣扇星星徧野雖不知名而嬌艷可愛尤多西天花狀如鸞粟微小而色實濃冶又有一種花小如金粟味特郁烈喇嘛采以供佛疑賽蘭香也佛經名伊蘭花卽後漢書所謂伊蒲之供也

蠻人所用弓木胎角面短小而勁亦有竹弓兩竹合片紮以牛筋勁過木胎矢亦以竹爲之鷗翎鐵鏃鏃

如錐長二三寸凡出行必**設**弓囊矢身背鳥鎗腰懸庫刀結隊而去示威武亦以防夾壩也夾壩云者譯言強盜也

甌器裡塘甚貴重蠻人皆用木盃木盃以葡萄根爲上土官頭人飾以金銀常人則否至西藏所出札木扎呀及渾拉爾木盃惟堪布土官有之餘人不能得也札木扎呀木色微黃堅潤有細紋渾拉爾木色亦微黃花紋畧大皆能避毒價值昂貴至有數十金一

裡塘志畧

卷下

十八

具者

藏香有紫黃二種眞者焚之烟凌霄漢蓋以珍寶屑成之世之餽遺貨賣者皆非大招所造也

裡塘食鹽貨自巴塘一帶其色紅如桃花卽紅鹽也

按段公路北戶錄云琴湖池鹽色如桃花在張掖北

李應祥雍勝畧云紅鹽池在山丹衛北四百里大抵口外之鹽多紅色也

雪茶生雪山中蠻人於四五月間采摘以售葉如茶

而白色冰芽雲片氣味香辣食之令人止燥消煩領其風調可補茶經之缺

雪蛆亦生雪山中狀如蠶其色晶明巨者重十餘兩煮食之甘脆而香生於純陰之中而秉純陽之氣性熱而補益精髓誠異物也第不能多得耳或云味如乳酥多食鼻口出血

腳嗎生沙土中狀如羊棗味甘而香蠻人取以當糧食出口者常帶回內地餉人美其名曰仁壽果然多

裡塘志畧

卷下

十九

食氣悶而脹圓根亦生沙土中狀如蘿蔔蠻人亦取以當糧食蓋蠻方地瘠稞麥不能廣有斯二物者所以濟時之歉也歟

王阮亭隴蜀餘聞云松潘建昌諸蠻所居皆累石爲之高者至八九層人居其上牛豕居其下名曰碉樓今自打箭爐出口西至衛藏皆然又不獨松潘建昌等處也九州記云邛州沈黎郡卽武侯征羗之路每十里置一石樓令鼓聲相應今夷人效之所居悉以

石爲樓此爲碉樓之始以余所見向之石樓尙有在者今明正司之臥龍中谷裡塘土司之上俄洛兩八角樓翼然是卽武侯遺蹟歟

陳鼎滇黔紀遊云金沙兩岸皆白沙佛書所謂恒河卽此也上流卽狗頭國昔年大水漂一狗頭人至岸上下衣服同中國口耳目皆狗也逾日得土氣狗人復生問其言答之如狗吠與之飲食□嚼也土官解來大理軍門府因得寓目後軍門命土官解還原

裡塘志畧

卷下

二十

處解人行一百二十餘日始抵其國國中無城郭國王朱冠皂履跨白馬佩刀官吏皆如之飲食起居中國同也婚嫁則非云云似實有其國矣然攷金沙江上流在西域喀木地其源出惡洛木拜圖流入木魯烏蘇等處經巴塘入裡塘界之勺朱鄉城復出巴塘界之崩子勒入雲南之麗江府界其所經歷地卽今西寧出口至西藏草地以及疊爾格三瞻對等處處番民

常人無所謂狗頭國也陳氏

所記殊不可解

又云麗江通雪山三四日程皆喇嘛居止從此達中印度所云雪山即今巴裡二塘也中印度即今西藏也赴藏道路自四川出口由雅州府打箭爐自雲南出口由麗江府中甸麗江正與巴裡二塘交界則所指雪山即巴裡二塘之雪山無疑也

紅嘴烏番名羌喀如鴉黑身紅嘴紅足性慈祥常棲佛殿檐端屋角音清妙如念梵然喇嘛最貴重之以

裡塘志畧

卷下

二十一

其不如葷肉不食生蟲故常以稞麥糶巴飼焉長青春科兒寺中頗多古器其供佛銅豆銅盃以及盤爐鐙盃瓶鉢之屬斑駁陸離氣質俱化均千年物以在蠻荒無賞識者而大喇嘛亦知愛惜故不至流落散失耳又有甌盃制與盃異有柄長五六寸如擎荷葉然用墊承之始得穩置几上質亦融化白色變微黃輕如楮片脚墜鵝油殆亦千年物也